

**Geloofbelofte-offer (GBO) Verbintenis 2014 — 2015**  
(Vir eie gebruik)

<b>Ek onderneem om die volgende sendeling/sendelinge en of die algemene fonds te ondersteun</b>	
<b>Sendelinge en Projekte</b>	<b>Bedrag</b>
Christo en Delesté Wooding – Transkei	
Stephan en Keiko Smithdorff en Gesin (OM) – Japan	
Pierre en Sugnet van Wyk en Gesin (GAP) – Metropool	
Algemene fonds	
<b>My Maandelikse Manier van Bydra:</b>	
Per debietorder/bankdeposito/elektroniese betaling direk aan sendeling	
Per debietorder/bankdeposito/elektroniese betaling in GBO rekening	
My GBO na die erediens te bring	

<b>My Besonderhede</b>	
Naam en Van	
Woonadres	
Posadres	
Tel Huis	
Selnommer	
E-pos adres	

**Baie Dankie vir jou ondersteuning!!!**

# **Geloofbelofte-offer (GBO) Verbintenis Okt 2014 — Sep 2015**



**NG Kerk  
Uitenhage Noord**

## Die verhaal van die Geloofbelofte-offer (GBO) in die gemeente

Die gemeente was van sy ontstaan af (veral deur van tyd-tot-tyd fondse vir sendingprojekte in te samel) by sending betrokke. Betrokkenheid by sending is 'n sterk "tradisie" wat nog altyd deel was van die hart en wese van die NG Kerk. Gedurende 1996 het daar 'n nuwe fokus in die gemeente se betrokkenheid by sending gekom deurdat daar, d.m.v. die Kommissie van Getuïenis en Ekumene, begin is om fondse te begroot vir die ondersteuning van sendelinge en projekte wat in die gemeente "ontstaan" het. Een van die eerste sendelinge wat op hierdie manier ondersteuning ontvang het, was Stephan Smithdorff wat 'n "gemeente-seun" is en nog steeds ondersteuning uit die gemeente ontvang. Hier volg 'n paar mylpale in die geskiedenis van die gemeente se sending-betrokkenheid: Die **Eksodusfees** (1997) was 'n sending-naweek wat op inisiatief van Uitenhage-Noord gemeente en in samewerking met die ander NG-gemeentes op die dorp in die Binneshuise Sport Sentrum, gehou is. Dit het 'n groot bewusmakende rol gespeel in die noodsaaklikheid van die Kerk se rol in sending wêreldwyd. Die tweede mylpaal was die **Global Consultation on World Evangelization** (GCOWE) wat gedurende 1997 in Pretoria gehou is. 'n Paar lidmate van die gemeente asook Tobie, Chris en Pierre het die konsultasie bygewoon. Die konsultasie het Kerke gehelp om hulle sendingvisie te verfyn en prakties te implementeer. Baie van wat daar geleer is, is in die gemeente se sendingbeleid ingewerk. Hieruit het die formulering van die uitstuurbeleid vir sendelinge gevolg wat vandag nog tot 'n groot mate van krag is. Stephan Smithdorff en Pierre van Wyk en hulle gesinne is die eerste voltydse sendelinge van die gemeente wat volgens dié beleid uit die gemeente gestuur is. **Love Southern Africa** (LSA, 1999) is sekerlik nog die grootste sending-geleentheid wat in Uitenhage plaasgevind het. Dit was ook in die Binneshuise Sport Sentrum aangebied en na meer as 'n jaar se voorbereiding, het 'n paar duisend mense vanoor die hele Metro en die Oos-Kaap opgedaag. Uitenhage-Noord het ook in die aanbieding van die fees 'n anker-rol gespeel. Die konferensie sal seker nog vir 'n lang tyd 'n groot mylpaal wees in die gemeente se betrokkenheid by sending-inisiatiewe. Nog 'n mylpaal was die vestiging van die **Eksodus Sentrum** wat in die aanloop tot LSA sy ontstaan gehad het. Dit het as 'n sentrale kantoor gedien van waar sending-aktiwiteite gekoördineer is. Pierre en Rev Lawrie Wilmot (van die Anglikaanse Kerk) het as koördineerders van die sentrum opgetree. Alhoewel die sentrum nie meer bestaan nie gaan nog baie van die inisiatiewe steeds voort. Daar kan net getuig word van hoe die Here in elkeen van die sendelingsgesinne, sending projekte en ander inisiatiewe die afgelope 17 jaar op wonderbaarlike maniere voorsien het!!!

## Kan sending ook werk in 'n tyd van ekonomiese resessie?

Dr Chang Fong, leraar van die "Grace Chinese Christian Church" in Singapore, wys in 'n artikel daarop dat OMF, die organisasie van Hudson Taylor, hulle werk te midde van die grootste depressie in 1932 -33 voortgesit en selfs uitgebrei het. "Kerke wat hulleself in 'n tyd van ekonomiese resessie bevind, moet mooi let op die woorde van Hudson Taylor, stigter van OMF (Overseas Missionary Fellowship). Hy het gese: 'If we don't move forward, it means that our faith has retreated and we are only focusing on difficulties, not on the living and true God. These few years the income of the mission has certainly gone down a lot and the missionaries sent from England are not many. Also, a number of our missionaries in China are retiring. At such a time it's easy to say all indications tell us we cannot extend and develop our work. But if we don't move forward, we will lose the golden opportunities that God has given.' "

Dr Fong skryf 'n merkwaardige getuïenis oor hulle gemeente in 'n tyd toe Singapoer se ekonomie geval het van 7,8% groei na 1,3% groei en die toekomsvoorspelling -1% tot +1% groei was vir die volgende jaar, terwyl hulle verbind was aan die ondersteuning van 45 sendelinge in 16 lande. Dr Fong skryf verder hoe hulle ook bemoedig is deur die getuïenis van Oswald Smith se People's Church in Toronto. Hulle het hulle Sendingprogram en eerste Geloofsofferbelofte in 1929 afgeskop met 'n eerste belofte van C\$10,000. Alhoewel die volgende paar jare wêreldwyd 'n ekonomiese resessie beleef is, baie besighede bankrot geraak het en groot werkloosheid geheers het, het hierdie gemeente voortgegaan daarmee. Hulle Geloofsofferbelofte het steeds gegroei en in 1933 C\$23,586 en in 1935 C\$30,615 beloop. Dr Fong getuig dan hoe hulle gemeente ook nog steeds kon voortgaan om hulle sendelinge te ondersteun, danksy die gebruik van die GOB. Hy skryf dat hy oortuig is dat 'n kerk wat onwillig is om die Groot Opdrag uit te voer, self in 'n ekonomiese krisis sal beland. Hy vertel dat elke keer wanneer hulle hulle GOB doelwit verhoog het, hulle ook 'n toename in hulle gewone inkomste ervaar het. Toe die ekonomiese krisis in 1984 en 1985 Singapoer getref het, en ook baie van hulle lidmate geraak was, was hulle Geloofsofferbelofte S\$133,879, met hulle dankoffers S\$150,049. Die volgende jaar het hulle GOB gestyg na S\$164,750 en hulle dankoffers na S\$168,873. In 1993 het hulle 'n bouprojek aangepak, en wou nie die lidmate te veel belas nie. Hulle het dus hulle GOB-doelwit daardie jaar verlaag na S\$435,000 maar het S\$533,630 ontvang, baie meer as wat hulle ver wag het.

*Uit: "Ja, vir Geloofsofferbeloftes" deur Chris Visser*

## **Sendingwerk in die Metropol—Pierre en Sugnet van Wyk**

Ons het in 1996 die “opdrag” ontvang om voltydse Sendelinge te word en om Uitenhage toe te kom. Sedert 2004 is ons ook wyer betrokke met sendingwerk in die Metropol en van tyd tot tyd in ander dele van die wêreld. Ons visie is om die koninkryk van God te vestig deur gebed, evangelisasie, transformasie en maatskaplike aksie. Ons glo dat gemeenskaps transformasie bereikbaar is deur samewerking tussen kerke en organisasies in alle gemeenskappe en werk na hierdie doel toe. Ons het om die rede die afgelope jare goeie verhoudings bewerkstellig met verskeie organisasies met wie ons nou saamwerk. Die geestelike en fisiese nood van ons gemeenskappe raak by die dag al hoe groter, maar dit bied ook ongelooflike geleenthede en oop deure om die werk van die Here te kan doen.

Ons fokus in elk van die volgende areas is die volgende:

**Gebed:** Toerusting van gelowiges om met groter insig te kan voorbidding doen vir die geestelike en fisiese nood in ons gemeenskappe, ons land en in die wêreld in samewerking met ander gelowiges van ander gemeenskappe en denominasies. (Venote: Jerigo Mure Internasionale Gebedsnetwerk)

**Evangelisasie:** Die verspreiding van die evangelie deur gebeds-evangelisasie (prayer evangelism), die verspreiding van evangelisasie-materiaal, hulp aan kerkleiers met die hou van “crusades”, dissipelskap opleiding en kerkplanting. (Venote: Judea Harvest, Harvest Evangelism, en CEF)

**Maatskaplike Aksie:** Die vestiging van tuinbou-projekte en die opleiding van gemeenskapswerkers. (Venote: Foundations for Farming, Judea Harvest)

**Transformasie:** Koördinerende en implementering van plaaslike transformasie-inisiatiewe soos Just1hour en die Nehemia Visie (Venote: Nelson Mandela Bay Transformation Christian Network)

Ons is dankbaar dat ons al so lank kon deel wees van die sending-opdrag en dat ons dit kon deel met Uitenhage-Noord gemeente. Laat ons saam die Here herinner aan die beloftes wat ons as gemeente in 1998 vir Uitenhage ontvang het: Jes.41:17-19, dat Hy in die woestyn fonteine en riviere gaan gee.

### **Kontakbesonderhede:**

Pierre en Sugnet van Wyk 0833703592 of 041-9228308

E-pos: outreach@global.co.za www.goandproclaim.co.za

Bankbesonderhede: Go and Proclaim Trust, ABSA Rek 4056657942, Tak 504016

## **Wat is die GBO?**

Die GBO stelsel is 17 jaar terug vir die eerste keer in die gemeente ingestel nadat 'n behoefte ontstaan het om sendelinge en sending-inisiatiewe op 'n individuele basis te ondersteun. GBO-fondse word aangewend vir werk **BUIITE** die gemeentegrense en op die manier word daar uitvoering gegee aan die sendingopdrag. Op hierdie manier word u 'n vennoot van sendelinge en in sendingprojekte. Die GBO is 'n beproefde metode wat baie suksesvol dwarsoor die wêreld in kerke en gemeentes gebruik word om fondse vir sendelinge en sending-inisiatiewe in te samel.

### **Wat is die beginsels daaragter?**

Die GBO onderskei homself van ander finansiële bydraes op die volgende maniere: dit word in biddende afhanklikheid van die Here en in vertroue op Hom vooruit belowe; dit is 'n ekstra offer bo- en behalwe die gewone maandelikse dankoffer; dit is 'n persoonlike verbintenis aan die Here alleen; dit word gedoen in geloofsvertroue en in gehoorsaamheid aan Hom met die vertroue en verwagting dat

Hy elke maand dit wat beloof is, sal voorsien. Dit verg 'n voortdurende bewustheid van ons afhanklikheid van die Here en die verskillende maniere hoe hy ons kan en wil seën. Wat die GBO nie is nie: dit is nie 'n truuk of foefie nie; daar is geen emosionele druk nie; dit is nie 'n verbintenis aan mense nie, maar aan God; dit is ook nie 'n kontant kollekte nie.

### **Waarvoor word bygedra?**

Ons gemeente het drie voltydse sendelinge wat vanuit die gemeente ondersteun word te wete Christo en Deleste Wooding (Transkei Sending), Stephan en Keiko Smithdorff en hulle kinders (OM Japan) en Pierre en Sugnet van Wyk en hulle kinders (GAP-Go and Proclaim). Daar word vir spesifieke sendelinge bygedra en of vir die algemene fonds. Uit die algemene fonds word die tekorte op sendelinge se begrotings aangevul en ander sending-projekte ondersteun wat die visie van die gemeente, naamlik om dissipels te maak, ondersteun. Die Omgee- en Uitreik-bediening, onder toesig van die Gemeenteraad, besluit waarvoor die fondse in die algemene fonds aangewend word. André en Sanet Brink van CEF word ook elke maand met 'n bedrag van R500 uit die algemene fonds ondersteun.

### **Hoe werk dit?**

Elke jaar met die aanvang van die laaste kwartaal gedurende Oktober word die gemeente ingelig oor die werksaamhede en behoeftes van sendelinge en sending-projekte. Lidmate kry dan die geleentheid om te bid en te besin oor hulle betrokkenheid, en wat die aard daarvan moet wees. Gedurende die laaste Sondag van Oktober kry lidmate dan die geleentheid om hulle besluit bekend te maak deur middel van die voltooiing van die GBO vorm.

### Sendingwerk in die Transkei —Christo en Deleste Wooding

My Pa was sy lewe lank sendeling in Transkei en ek het grootgeword op 'n sendingstasie. Van jongs af het ek geweet dat die Here my ook roep om vir Hom te werk in Transkei. Nadat ek my studies op Stellenbosch voltooi het, is ek in 1983 na Isilimela sendingstasie, aan die Wildekus, beroep en het daar vir 10 jaar gewerk. In 1993 is ons na Kokstad beroep, waar ons vandag nog werk en weet dat dit is waar die Here ons wil gebruik.

Ons gemeente bestaan uit ongeveer 500 lidmate. Ons werk in 'n baie groot gebied. Elke gemeente in Transkei bestaan uit 'n hoofgemeente en buiteposte in die omgewing. Ons hoofgemeente is in Bhongweni, Kokstad se swart dorp geleë, en dan het ons nog sewe buiteposte in die omgewing, tot so 40km ver. Op die oomblik is ek die enigste leraar in ons ring en is dus konsulent by 7 gemeentes. Die verste punt waar ek werk is 160km van ons af.

Deel van ons werk is gewone gemeentebediening met alles wat daarmee saamgaan. Ons is egter ook betrokke met sendingwerk. Ongeveer 40% van Transkei se 5 miljoen mense is nog totale heidene. Hier is dus nog 'n baie groot taak wat verrig moet word. Vanaf ons gemeentes en buiteposte bring ons die lig aan so baie wat nog in duisternis leef. Die Here seën die werk en daar is vrug op ons arbeid. Deur die jare kom mense tot bekering, word ons lidmate meer, word nuwe buiteposte gestig en kerke gebou. Hoewel die gewone Transkei mense in groot armoede leef, is hul baie vriendelike mense en ontvang ons altyd met liefde en respek. Daar is werklik nog 'n groot geleentheid om die Evangelie aan die mense te bring.

Veertien jaar gelede het ek, om een voorbeeld van vrug op die werk aan u te noem, by Aloekop buitepos dienste begin hou. Ons het kerk gehou in 'n klein modderhutjie. Soms het 'n paar mense die dienste bygewoon, party Sondae was daar niemand. Vir jare het daar nie veel gebeur nie en soms wou ek moed opgee. In 2004 het die Here die buitepos aangeraak. Baie mense het tot bekering gekom. Die modderhut was te klein en dienste is in 'n ou skuur begin hou. Die gemeente het steeds uitgebrei en verlede jaar kon ons 'n kerk bou op Aloekop. Toe ek 14 jaar gelede daar in 'n eenvoudige hutjie begin dienste hou het, kon ek nooit dink dat daar eendag 'n sterk gemeente met 'n eie kerkgebou op Aloekop sou wees nie.

#### Kontakbesonderhede

Christo Wooding Kokstad V.G.K gemeente.

Huis: 039-7272215 Sel: 0823391666

E-pos wooding1@telkomsa.net


Bankbesonderhede: C.W.Wooding, FNB Rek 52720022012,

Tak 220122

### Sendingwerk in Japan—Stephan en Keiko Smithdorff

Ons is die afgelope 3 jaar werksaam in Japan saam met Operasie Mobilisasie (OM) nadat ons vir 'n lang ruk in Turkye gewerk het. Ons visie/roeping is om diegene wat met die 2011 Tsunami in Japan gely het, te help op hulle pad van geestelike, emosionele en fisiese herstel. Ons doen dit deur: 1. Ons betrokkenheid met die Sentrum vir Gestremdes in Motoyoshi. 2. Ons help organiseer optredes en programme vir mense wat steeds in tydelike verblyf woonagtig is. 3. In samewerking met verskillende kerke, reik ons uit met die evangelie van Jesus Christus, na Japanese in die Miyagi prefektuur.

- Daar is omtrent 7,900 kerke in Japan wat beteken daar is 1 kerk vir elke 16000 mense.
- Slegs 0.22% van die bevolking woon enige kerk by.
- 24 mega stede, 44 stede en meer as die helfte van alle dorpe in Japan het geen kerk nie.
- Daar is ongeveer 2000 sendelinge in Japan, sowat 1 sendeling vir elke 63000 Japanese.



#### Kontakbesonderhede

Stephan en Keiko Smithdorff OM Japan Tel: +81 803 046 0452

E-pos: sksmithdorff@gmail.com

OM Japan Webwerf: <http://omjapan.org/en/>

Bankbesonderhede: S Smithdorff, Standard Rek 084766050,

Tak 050416